

## KONTROL MOZIOA

### DONOSTIAKO GABONETAKO ARGITERIARI BURUZ

Jon Markel Ormazabal Gaztañaga EH Bildu udal taldeko zinegotziek, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2020ko abenduaren 9an Pertsonentzako Zerbitzuen Batzordean aztertutako interpelazioaren ondorioa da.

#### JUSTIFIKAZIOA

COVID-19 birusaren pandemia testuinguru honetan, aurten, inoiz baino gehiago, gabonetako argiteria eta azoka kaleko hizketagai bilakatu dira.

Azken asteotan iritzi kritikoak ere agertu dira, hala nola, ingurumena eta energia-xahuketari buruzkoak. Besteak beste, Eguzki talde ekologistak ondorengo gogorarazten zuen:

*Osasun-krisian ez ezik ingurumen-krisian ere aspaldi gaude bete-betean sartuta. Zehatz-mehatz, eguberritako argiak energia-xahuketa bat dira, udalek klima-krisiaren inguruan egiten dituzten aldarrikapenekin inolaz ere bat ez datorrena. Azken urteotan, udalen artean (Vigo, Madril, Bilbo...) txapelketa moduko bat eratu da, ea zeinek gastatzen duen gehien eguberritako argietan. Donostia ere nola edo hala bide beretsutik doa, argi horiek dituzten ondorio ekonomiko zein ambientaletan erreparatu gabe. Donostiak urteak daramatza eguberritako argien piztea aurreratzen. Abendua ez omen da nahikoa eta azaroa ere behar da. 45 egun eguberritako argiak piztuta. Zertarako Klima DSS2020 Ekintza Plana, baldin eta gero eguberritako argien bidez energia xahutzen bada, xahutzen den moduan? Zertarako itzali Udaletxeko argiak ordubetez Planetaren Egunean (apirilaren 22an), ez dakigu zernolako konpromisoaren sinbolo gisa, baldin eta eguberritako argiak piztuta dauden egunak gero eta gehiago badira? Zertarako atzeratzen dugu erlojua ordubetez urrian? Abenduan gehiago gastatzeko?*

Hala bada, abenduaren 9ko Pertsonentzako Zerbitzuen Batzordean gabonetako azoka eta argiteriaren gastuez galdetuta, zinegotzi ordezkariak erantzun zuen, merkatuari dagokionez, aurten azokak 25.000 euro gehiagoko kostua izango duela; osasun larrialdiak exijitutako neurriez gain online zerbitzua ere egongo delako. Aldiz, argiteriaren kasuan, aurten 267.000

**EH Bildu talde politikoa**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

euroko gastua izango da iazko 495.000 eurokoekin alderatuta. Hau da, 228.000 euro gutxiago. Bien batura eginik, 203.000 euroko aldea dago iazko zifrarekin alderatuta.

Era berean, zinegotzi ordezkariak adierazi zuen argiak ez direla “despilfarro energetiko eta ekonomikoa. Led bonbillekin egiten dira, kontsumo murrizteko bonbillekin egiten dira, eta iturri berriztagarriak Donostia osoan dauden iturri berriztagarri eta ez berriztagarrien ildotik doa gabonetako argiteria, Donostia hiriko gehiena bezala”. Hala ere, udal talde honek jakin du abenduaren 8ra arte gutxienez gabonetako argiteria gaueko 23:00ak arte piztuta egon dela. Hau da, etxeratze agindua ezarri eta ordubetera.

Horregatik guztiarengatik, honako hau da behean sinatzen duen zinegotziak aurkeztutako **KONTROL MOZIOA:**

- 1.- Donostiako Udalbatzak hertsatuki eskatzen dio Udal Gobernuari gabonetako argiteria etxeratze agindua indarrean sartzen den orduarekin batera itzaltzeko erabakia har dezala.
- 2.- Donostiako Udalbatzak hertsatuki eskatzen dio Udal Gobernuari, eta Klima Larrialdiaren testuinguruan urrats bezala, har dezala konpromisoa eta erabakia 2021eko gabonei begira erabiliko den argiteriaren energia guztia iturri berriztagarrietatik eratorria izan dadin.
- 3.- Donostiako Udalbatzak hertsatuki eskatzen dio Udal Gobernuari 2019rekin alderatuta 2020ko gabonetako azoka eta argiterian “aurreztuko” duen dirua Donostiako Ekonomia Suspertzeko Planera bideratzeko ahalegina egin dezala.

Donostian, 2020ko abenduaren 11n

Jon Markel Ormazabal Gaztañaga  
**EH Bildu udal taldeko zinegotzia**